

Ministarstva za prostorno uređenje, promet i komunikacije i zaštitu okoline Zeničko-dobojskog kantona kao i novac i prava koja Zavod stiče svojim poslovanjem na tržištu.

Član 10.

Sredstva za rad Zavoda obezbjeđuju se dijelom iz budžeta Kantona, dijelom iz ostvarenog prihoda u okviru svoje djelatnosti kao i drugih izvora.

Član 11.

Višak prihoda nad rashodima Zavod koristi za obavljanje i razvoj djelatnosti uz saglasnost Vlade Kantona (u daljem tekstu: Vlada).

IV ORGANIZACIJA ZAVODA

Član 12.

Zavod ima direktora.

Direktora, nakon provedenog postupka u skladu sa Zakonom o državnoj službi u F BiH, postavlja Vlada uz prethodno pribavljeno mišljenje Agencije za državnu službu.

Direktor za svoj rad odgovara Vladi.

Član 13.

U slučaju privremene spriječenosti direktora mijenja ga rukovodeći službenik koga on ovlasti.

Član 14.

Direktor je nadležan da:

- organizuje i rukovodi radom Zavoda,
- zastupa i predstavlja Zavod pred trećim licima,
- odgovara za zakonitost rada Zavoda,
- izvještava Vladu o svom radu,
- izvršava i druge poslove predviđene općim aktima Zavoda.

Član 15.

U rukovođenju pojedinim područjima rada, direktoru pomažu rukovodeći službenici.

Član 16.

Rukovodeći službenik u smislu prethodnog člana je pomoćnik direktora.

Pomoćnik direktora rukovodi određenom osnovnom organizacionom jedinicom i vrši druge poslove iz određene oblasti koje mu odredi direktor.

Član 17.

Unutrašnja organizacija Zavoda utvrđuje se Pravilnikom o unutrašnjoj organizaciji.

Pravilnik o unutrašnjoj organizaciji donosi direktor uz prethodnu saglasnost Vlade Kantona.

Član 18.

Zavod ima prava i obaveze u pravnom prometu u okviru djelatnosti.

Zavod za svoje obaveze odgovara sredstvima kojima raspolaže.

V NADZOR

Član 19.

Nadzor nad zakonitošću rada Zavoda vrši Vlada.

Član 20.

Prava i obaveze osnivača koja se odnose na statusne promjene i usvajanje Izvještaja o radu Zavoda vrši Skupština Kantona, a ostala prava i obaveze osnivača vrši Vlada u ime Skupštine Kantona u skladu sa ovim Zakonom.

VI PRELAZNE I ZAVRŠNE ODREDBE

Član 21.

Zatečene zaposlenike Zavoda za urbanizam i prostorno uređenje kao upravne ustanove u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona preuzima Zavod kao samostalna upravna

organizacija i rasporedit će ih na odgovarajuća radna mjesta u skladu sa Zakonom o državnoj službi u F BiH i Pravilnikom o unutrašnjoj organizaciji Zavoda.

Član 22.

Ovaj Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-19983/05

PREDSJEDAVALAČI

Zenica, 01.07.2005. godine

Besim Spahić, s.r.

193

Na osnovu člana 35. Ustava Zeničko-dobojskog kantona, Skupština Zeničko-dobojskog kantona, na XXXI sjednici, održanoj 30.06.2005. godine, d o n o s i

Z A K O N

o plati i primanjima predsjedavajućeg i poslanika

I OSNOVNE ODREDBE

Član 1.

Ovim Zakonom uređuju se primanja predsjedavajućeg Skupštine, zamjenika predsjedavajućeg, primanja poslanika i članova radnih tijela Skupštine, naknade određenih materijalnih troškova i drugih primanja i način ostvarivanja naknada i drugih prava koja pripadaju predsjedavajućem, zamjenicima predsjedavajućeg, poslanicima i članovima radnih tijela Skupštine.

Član 2.

Predsjedavajući Skupštine Zeničko-dobojskog kantona (u daljem tekstu: Predsjedavajući), zamjenici predsjedavajućeg Skupštine Zeničko-dobojskog kantona (u daljem tekstu: zamjenici predsjedavajućeg) i poslanici u Skupštini Zeničko-dobojskog kantona (u daljem tekstu: poslanici) ostvaruju pravo na:

- 1.stalno mjesečno novčano primanje, odnosno platu i
- 2.naknade određenih materijalnih troškova i drugih primanja.

II PRIMANJA PREDSEDAVAJUĆEG**PLATA****Član 3.**

Predsjedavajući koji za vrijeme trajanja mandata zasnjuje radni odnos u Skupštini ostvaruje platu.

Plata predsjedavajućeg utvrđuje se određivanjem koeficijenta.

Koeficijent za platu predsjedavajućeg utvrđuje nadležno radno tijelo Skupštine Kantona.

Plata se povećava za 0,5 % za svaku započetu godinu radnog staža, a najviše do 20%.

Član 4.

Osnovica za obračun plate je osnovica koju Vlada utvrdi za rukovodioce kantonalnih organa uprave.

Član 5.

Predsjedavajući ima pravo na položajni dodatak.

Položajni dodatak je dio plate koji se određuje prema složenosti i značaju poslova radnog mjesta Predsjedavajućeg, odnosno položaju, kao i odgovornosti i posebnim ovlaštenjima u obavljanju tih poslova i iznosi 20% od osnovne plate.

Član 6.

Plata za Predsjedavajućeg, u skladu sa ovim zakonom utvrđuje se rješenjem, koje donosi sekretar Skupštine.

Član 7.

Plata se isplaćuje u tekućem mjesecu za prethodni mjesec i u vrijeme propisano aktom Vlade za isplatu plata državnih službenika.

Član 8.

Predsjedavajući koji je u radnom odnosu u Skupštini, dok ne ostvari pravo na rad kod ranijeg poslodavca, po isteku mandata ima pravo na jednu mjesečnu platu ostvarenu u posljednjem mjesecu rada.

Član 9.

Predsjedavajući u radnom odnosu u Skupštini sve ostale naknade i druga materijalna prava koja nemaju karakter plate, ostvaruje u skladu sa propisima kojim su ta prava uređena za državne službenike.

III NAKNADA ZA PREDSEDAVAJUĆEG KOJI NIJE U RADNOM ODNOSU**Član 10.**

Predsjedavajući koji ne zasnjuje radni odnos u Skupštini, ima pravo na naknadu za obavljanje poslova predsjedavajućeg u visini koju utvrdi nadležno radno tijelo Skupštine.

Član 11.

U slučaju spriječenosti predsjedavajućeg da obavlja poslove predsjedavajućeg ili ako mjesto predsjedavajućeg ostane upražnjeno iz nekog od razloga propisanih zakonom, zamjeniku predsjedavajućeg, koji ga zamjenjuje pripada novčana naknada u iznosu koji utvrdi nadležno radno tijelo Skupštine.

IV OSTALE NAKNADE PREDSEDAVAJUĆEG**Član 12.**

Predsjedavajući ima pravo na korištenje službenog mobilnog telefona i naknade troškova upotrebe do iznosa koji utvrđuje nadležno radno tijelo Skupštine.

Član 13.

Predsjedavajući ima pravo na korištenje službenog automobila za prevoz na posao i sa posla, ili korištenje privatnog automobila, u skladu sa propisom Vlade Kantona kojim je to pitanje uređeno za funkcionere Kantona, kao i za obavljanje svih poslova Skupštine i u ime Skupštine.

V NOVČANE NAKNADE POSLANIKA**Član 14.**

Poslanici u Skupštini Zeničko-dobojskog kantona imaju stalno mjesečno novčano primanje i to:

1. paušal,
2. naknadu za prisustvo sjednici Skupštine,
3. naknadu za učešće u radu radnih tijela,
4. naknadu troškova prevoza na zasjedanje Skupštine i radnih tijela Skupštine.

Član 15.

Visinu naknada iz prethodnog člana utvrđuje nadležno radno tijelo Skupštine.

Član 16.

Poslanik koji dobije obavijest o dodjeli mandata, od Izborne komisije, do 15-og u mjesecu, ostvaruje pravo na ukupan iznos mjesečnog paušala, a ukoliko obavijest dobije poslije 15-og u mjesecu, ostvaruje pravo na pola iznosa mjesečnog paušala.

Član 17.

Naknadu za prisustvo sjednici Skupštine u punom iznosu ostvaruje poslanik koji prisustvuje sjednici.

Član 18.

Poslanici i vanskupštinski članovi radnih tijela, naknadu za učešće u radu radnih tijela ostvaruju na način i pod uslovima utvrđenim u članu 17. ovog Zakona.

Naknada za učešće u radu radnih tijela Skupštine pripada članovima stalnih i privremenih radnih tijela Skupštine, Kolegija Skupštine i ostalih tijela koja na osnovu ovlaštenja iz posebnih propisa osniva Skupština.

Član 19.

Naknada troškova prevoza poslanicima pripada u visini od 20% cijene litra goriva koje automobil troši po predenom kilometru.

Cijena litra goriva utvrđuje se tromjesečno, na osnovu prosječne cijene litra goriva, utvrđene na osnovu podataka najmanje tri trgovca nafte i naftnih derivata za područje Zeničko-dobojskog kantona.

Član 20.

Obračun naknada iz člana 14. tačka 2, 3. i 4. vrši se na osnovu evidencije Stručne službe Skupštine o prisustvima sjednicama.

VI SLUŽBENA PUTOVANJA**Član 21.**

Po vlastitoj inicijativi, pozivu: Premijera Zeničko-dobojskog kantona, političko-teritorijalne jedinice Bosne i Hercegovine ili strane države i drugih institucija, predsjedavajući ima pravo na odlazak na službeno putovanje na teritoriji Bosne i Hercegovine ili u inostranstvo.

Nalog za službeno putovanje iz stava 1. ovog člana potpisuje Predsjedavajući.

Član 22.

Na službena putovanja mogu se uputiti i zamjenici predsjedavajućeg i poslanici.

Službena putovanja iz stava 1. ovog člana odobrava Predsjedavajući, a naloge potpisuje sekretar Skupštine.

Član 23.

Vrsta i visina naknada troškova u vezi sa službenim putovanjima kao i postupak ostvarivanja tih naknada ostvaruje se u skladu sa propisom Vlade Kantona kojim su uređena ta pitanja za Premijera Zeničko-dobojskog kantona.

VII PRELAZNE I ZAVRŠNE ODREDBE**Član 24.**

Nadležno radno tijelo Skupštine dužno je donijeti akte kojim utvrđuje visine naknada za koje je ovlašteno ovim zakonom u roku od 30 dana od dana stupanja na snagu ovog zakona.

Član 25.

Stupanjem na snagu ovog Zakona prestaje da važi Zakon o novčanim primanjima poslanika i funkcionera u Skupštini Zeničko-dobojskog kantona ("Službene novine Zeničko-dobojskog kantona", broj: 11/98).

Član 26.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-19984/05

PREDSEDVAJUĆI

Zenica, 01.07.2005. godine

Besim Spahić, s.r.

194

Na osnovu člana 37. tačka f. Ustava Zeničko-dobojskog kantona, Skupština Zeničko-dobojskog kantona, na XXXI sjednici, održanoj 30.06.2005. godine, donosi

ZAKON**o prestanku važenja Zakona o detektivskoj djelatnosti****Član 1.**

Prestaje da važi Zakon o detektivskoj djelatnosti ("Službene novine Zeničko-dobojskog kantona", broj: 7/98).

Član 2.

Ovaj Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-19985/05

PREDSEDVAJUĆI

Zenica, 01.07.2005. godine

Besim Spahić, s.r.

195

Na osnovu člana 26. stav 1. Zakona o visokom obrazovanju ("Službene novine Zeničko-dobojskog kantona", broj: 5/05) i člana 11. Zakona o Javnoj ustanovi Univerzitet u Zenici ("Službene novine Zeničko-dobojskog kantona", broj: 6/05), Skupština Zeničko-dobojskog kantona, na XXXI sjednici, održanoj 30.06.2005. godine, donijela je

ODLUKU**o usvajanju Elaborata o opravdanosti osnivanja Odsjeka za socijalnu pedagogiju na Islamskoj pedagoškoj akademiji u Zenici****Član 1.**

Usvaja se Elaborat o opravdanosti osnivanja Odsjeka za socijalnu pedagogiju na Islamskoj pedagoškoj akademiji u Zenici.

Član 2.

Odluka stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-38-19986/05

PREDSEDVAJUĆI

Zenica, 01.07.2005. godine

Besim Spahić, s.r.

196

Na osnovu člana 26. stav 1. Zakona o visokom obrazovanju ("Službene novine Zeničko-dobojskog kantona", broj 5/05), Skupština Zeničko-dobojskog kantona, na XXXII sjednici, održanoj 28.07.2005. godine, donosi

ODLUKU**o usvajanju Elaborata o osnivanju Odsjeka za turski jezik i književnost na Pedagoškom fakultetu u Zenici****Član 1.**

Usvaja se Elaborat o opravdanosti osnivanja Odsjeka za turski jezik i književnost na Pedagoškom fakultetu u Zenici.

Član 2.

Odluka stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-34-22027/05

PREDSEDVAJUĆI

Zenica, 29.07.2005. godine

Besim Spahuć, s.r.